

欽定四庫全書

子部

普濟方卷一百七十五



南京中医药大学图书馆版权所有

欽定四庫全書

普濟方卷一百七十四 明

周王朱橚撰

積聚門

米癥附論

夫病源人有好啖米轉久彌嗜啖之若不得米則胃中
清水出得米便止米不消化遂生癥結其人常思米而
不能飲食人則斃人

治米瘕其疾常欲食米若不得米則胸中清水出

雞屎升一白米五合

右合炒取米焦擣篩為散用水一升頓服取盡少時
即吐出瘕如研米汁碎若無瘕即吐白沫淡水乃厭
米不復食之

治米瘕久不療羸瘦此方神效

葱白 烏梅三十枚

右以水三升宿漬烏梅使得極濃清晨取葱白隨飲

烏梅汁令盡頓覺心腹煩欲吐即令出之三晨療之
當吐去米瘕差無所忌

治食生米方

家藏經
驗方

男子婦人因食生熟物留滯於

脾胃遂至生虫久則好食生米否則終日不樂至於
肌膚憔悴面色萎黃不思飲食以害其生

右用蒼朮不拘多少米泔水浸一宿取出剉碎焙乾
碾為細末煮稀麪糊為丸如梧桐子大每服五十粒
空心食前米飲下日三服 益昌伶人劉清嘯家一

婢曰花翠年踰笄病此三月餘監惠民局趙尹能醫
以此治之兩旬而愈蓋生米留滯於脾胃受濕則穀
不磨致成此疾蒼朮能去濕煖胃消穀故也尹先云
曾用此藥療絳州常振省幹兩旬而痊因筆於冊

髮癥附論

病源云有人因飲食內誤有頭髮隨食而入胃成癥
喉間如有蟲下上來去者是也

方

食中有髮不覺因食而入久則膏間如有蟲狀上下去
來惟欲飲油一日之中飲至三二升不欲飲食者為髮

癥

治出聖
惠方

右用油一升以香澤煎之大搔鉗貯之安病人頭邊
令口鼻臨油上勿令得飲轉鼻面令有香氣當叫喚
取飲食不得與之必當疲極大睡其髮癥當從口出
令一人專守視之并脩石灰一裹見癥出以灰粉手
捉癥抽出及盡即是髮也初從腹中出形如流水中

濃菜隨髮長短形亦如之

又方

出千金方

右用酒三升煮猪脂三升二沸服一升日二白馬尿服之亦佳無白馬白牛亦得

療胃喉間覺有癥蟲上下偏聞葱豉食香此是髮蟲故也

右用油煎葱豉令香二日不食張口而卧將油葱豉置其口邊蟲當漸出徐徐以物引去之無所忌

治誤食頭髮如蟲疾者

右雄黃研細水飛過酒調服吐出惡物乃愈

蝨癰附論

病源云人有多蝨性好齧既多而臟腑虛弱不能消之
不幸變化生癰而患之者亦少俗云患蝨癰人見蝨必
齧之不能禁止蝨生長在腹內時有從下部出亦斃人

方

療蝨癰蝨在腹生長為蝨癰方

出千金方

故篦子

一枚 故梳子

一枚

右二味各破為兩分各取一分燒作灰取一分以水五升煮取一升取頓服前未盡少時當病出無所忌

鰲癥

附論

病源云鰲癥者謂腹內癥結如鰲之形狀也有鰲觸冷不消而生癥者也有食雜物得冷不消變化而作者此皆脾胃氣弱而遇生冷不尅消故也癥者其病結成推之不動移是也

方

蟹瓜丸

治蟹癥狀在心下手揣見頭足時轉動并痛

蟹瓜

分三

附子

分六

麝香

分三

半夏

分六

生薑

分四

蟹甲

分六

防

葵

分六

郁李仁

分八

右搗篩密和如梧子大空肚以酒下二十九日再服

以知為度忌生冷油鹹熱麪蕎麥陳臭粘膩羊肉餛

猪肉苋菜

宿癥及卒得癥方

出肘後方

右用白雌鷄一雙絕食一宿明旦以膏熬飯飼之取其屎無問多少小便和之於銅器中火上熬燥搗篩每服錢許日四五服消盡乃止常飼鷄取屎病差後殺鷄單食之

治鰲癥服白馬尿一升五合溫服之令盡差

治鰲癥腹堅硬腫起大如盆眠卧不得方

出千金方

右取鹽一升搗水三升絞取汁每服一升日二若食中得病為鰲癥在心下堅強硬者並須服之

又方

出千金方

右蒴藿根白皮一握研取汁水和頓服之

又方

出千金方

右用白馬尿一升雞子三枚取白二合空腹頓服不移時當吐病出

又方

出千金方

右雞屎一升炒令黃取五合以酒一升浸取半搗為末以所浸酒服方寸七日二服三日中作一劑

治人龜病

人門龜病不能言 肚裏生成硬似磚

自死殭蝨白馬尿 不過時旬軟如綿

結瘕 附論

結瘕者積聚之類也結伏積聚久不散謂之結凝滯腹內按抑有形謂之結瘕之證形體瘦悴食不知飢飽中陰寒冷濕之氣則發而腹脇塊硬隱隱然痛者是也瘕之證腹中氣痛動轉橫連脇下有如癖氣遇脾胃有冷

陽氣不足而發動者是也

方

檳榔湯

出聖濟總錄

治結瘕脉弦腹滿坐卧不安食即欲

吐喘急

檳榔

一兩半

赤茯苓

芍藥

陳橘皮

吳茱萸

郁李仁

訶梨勒

各三分

京三稜

桑根白皮

各一兩

右搗粗篩每服五錢水一盞半煎至八分去滓溫服

食前後各一服若服後頻利即減檳榔郁李仁

紫葛丸

出聖濟總錄

治結癥腹脹堅硬如石肚上青筋浮

起

紫葛

一兩芍藥

桔梗

紫苑

木香

訶梨勒皮

各三分

大黃

半兩

牽牛子

半兩

郁李仁

一兩

右為末煉蜜為丸如梧桐子大每服十五丸空腹煎

木通及棗湯下老弱量減丸數

防已湯

出聖濟總錄

治結癥氣積腹滿如石氣急少卧小

便不利

防己

百合

郁李仁

各一兩

木通

一兩半

吳茱萸

半兩

陳橘皮

當歸

赤茯苓

各三兩

右搗篩為散每服三錢水一盞生薑半分至六分去

滓空心溫服

羌活丸

出聖濟總錄

治結寢氣塊飲食不消肺氣發心胃

中逆氣喘卒中風毒脚氣大腸祕澀奔豚氣痛

羌活

桂皮去粗

芎藭

木香

檳榔

各一兩

郁李仁

大黃

各二兩

右除郁李仁外搗羅為末與郁李仁研勻煉蜜和丸
如梧桐子大每服二十丸空心煎生薑湯下或棗湯
下氣痛溫酒下

木通湯

出聖濟總錄

治結瘕腹脹堅硬不消

木通

赤茯苓

各一兩

赤芍藥

吳茱萸

各三分

檳榔

一枚紫苑

郁李仁

各半兩

右麤搗篩每服三錢水一盞半煎取七分空腹服日

再